

COMMUNICAZIUN A LAS MEDIAS

Poschiavo, ils 3 d'avrigl 2025

Renovà cun success l'implant electric Campocologno

L'implant electric Campocologno è vegnì renovà per stgars tschintg milliuns francs. Cun lavurs da renovaziun intenziunadas ha Repower fatg pront l'implant en il sid da la Val Puschlav per in manaschi durabel e fidabel.

En la centrala da l'implant electric Campocologno 1 ha Repower remplazzà omaduas serras a culla e renovà la gestiun primara e secundara dals indrizz tecnics. A Monte Scala è plinavant vegnida renovada parzialmain la tschiffada d'aua Saiento. Las lavurs èn vegnidas repartidas sin trais onns e planisadas uschia che la produenziun d'electricitad è stada pussaivla cun paucas restricziuns. Las mesiras da sanaziun terminadas megliereschan a lunga vista la segirezza dal manaschi e la disponibilitad da l'implant.

L'implant electric situà al cunfin cun l'Italia è vegnì mess en funcziun il 1906 sco emprima ovra electrica da Repower (da quel temp Forze Motrici Busio). La concessiun actuala per il diever da la forza idraulica a Campocologno dura anc fin il 2089.

A Campocologno 1 è installadas oz duas maschinas cun ina prestaziun da 19 MW e 23 MW. Cun l'aua che deriva dal Lago di Poschiavo e la tschiffada d'aua Saiento produescha l'implant electric mintg'onn enturn 220 GWh electricitad - avunda per proveder ca. 50'000 chasadas svizras medias. La renovaziun da l'implant electric Campocologno 1 stat en accord cun la strategia da Repower che prevesa d'augmentar la produenziun d'energia regenerabla, ma surtut era da mantegnair las obras electricas renovablas existentas.

Contact

Stefan Bisculm

Manader post da medias

t +41 81 423 78 73

m +41 79 372 77 76

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milaun. Repower è activa lung l'entira chadaina da valurisaziun da l'electricidad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.